

Vuk'uzenzele



Produced by: Government Communication & Information System (GCIS)

English/Xitsonga

Khotavuxika 2021 Nkandziyiso 2




Dreams
come
true for
Tafelkop
community
Page 4



Solar power
energises
Stellenbosch's
bright minds

Page 8

Alert Level 2 to spare lives and health facilities



South Africa has been placed on Adjusted Alert Level 2, as government introduces measures to delay the third wave of the virus.

Addressing the nation recently, President Cyril Ramaphosa said after several months of low transmission, the number of Coronavirus Disease (COVID-19) infections has risen sharply in several parts of the country over the past month.

"The provinces of Free State, Northern Cape, North West and Gauteng have reached the threshold of a third wave of infections.

"It may only be a matter of time before the country as a whole will have entered a third wave," the President warned.

Health protocols

According to health experts, the rise in new infections is because of an increase in social gatherings where people are not observing health protocols.

These protocols include wearing masks, social distancing, ensuring adequate ventilation and limits on the number of people who attend gatherings.

Other sites of increased transmission are funerals and so-called 'after tears' parties, as

Cont. page 2



To read Vuk'uzenzele download the GOVAPP on:



Search for SA Government on Google playstore or appstore

CONTACT US


Website: www.gcis.gov.za
www.vukuzenzele.gov.za

Vuk'uzenzele @VukuzenzeleNews

Email: vukuzenzele@gcis.gov.za
Tel: (+27) 12 473 0353

Tshedimosetso House:
1035 cnr Frances Baard and Festival streets, Hatfield, Pretoria, 00083

FREE COPY NOT FOR SALE



Afrika-Dzonga ri tikarhatela ku vona leswaku xivono xa vumbiwa xa humelela

Makumetsevu wa malembe lama hundzeke, hi ti 31 Mudyaxihi 1961, Afrika-Dzonga ya xihlawuhlawu ri ve rhiphabiliki, kutani ri tsema vuxaka bya rona na mfumo wa Britain.

Kambe loko ra ha ri 'rhiphabiliki' hi ntolovelu ri vuriwa tanahi tiko leri matimba lanakulu ya rona ma nga eka vanhu ni le ka vayimeri lava hlawuriweke, leswi a swi nga ri tano eAfrika-Dzonga.

Vumbiwa ra rhiphabiliki ra xihlawuhlawu a ri tinyikele ku tshembela eka Xikwembu, "leri a ri hlengelate vakokwani wa hina swin'we ku suka eka tindhawu to hambana-hambana kutani ri va nyika tanahi hi ra vona".

I Vumbiwa leri a ri tsariwe ni ku tsaleriwa ntlawa wa rixaka leritsongo, kutani va tirhisa ripfumelo ku tiyimelela eka tihanyi. Ri andlale mafambiselo ya mfumo, ri nyika valungu matimba yo hlawula ku tirha tanahi vayimeri va vaaki. A ri nga ri na Nawu wa Timfanelo ta Vanhu.

Vunyingi bya vanhu va tiko a byi chichiwile xiyimo ku ya ekuheleni ka malembe ya 121 ya nawu lowu, eka xiyenge lexi a xi thyiwile 'Administration of Bantu Affairs, na swin'wana.'

Eka hungu leri kombisiweke eka makombakule, Holobyenkulu HF Verwoerd u te: "Hi lava nhluvukiso wa mitlawa ya hina hikatsongotsongo leswaku wu kongoma eka tlhelo ro karhi. Laha xitshunxo lexi hi xi lavaka xa le rivaleni i ku hlayisa voko ra lavobasa eka vufambisi."

"Hi tsakile swinene ku khomana hi va vanhu van'we," a tyisisa eka misava hinkwayo.

Kambe ntiyiso a ku ri leswaku a hi nga ri vanhu lava a hi khomanile.

A hi ri vatshami eka tiko leri timfanelo ta van'wana, leswi languteriweke ni nkarhi wa ku hanya a swi lawuriwa hi rixaka ra yena.

Ku ringana malembekhume mambirhi, Nawu wa Vumbiwa ra Afrika-Dzonga wa 1961 a ku ri nawu lowu a wu hloholotelu ku tshikeleriwa ka kwalomu ka 90% wa rixaka ra Maafrika-Dzonga.


Ku tlangela ko vava ku vile kona hi n'hwti yin'we ni leyi hi tlangelene 25 wa malelmbe yo tsundzuka ku simekiwa ka Huvonkulu ya Nawu wa Vumbiwa ra hina lerintshwa ra xidemokirasi, leri veke xitifikheti xo tivisa ku velekiwa ka rixaka leri khomanekhe hi ntiyiso.

Sweswi hi ni nawu wun'we wa rixaka rin'we.

Kun'we, hi tihlawulele sisiteme ya mfumo leyi nyikaka nhlamuselo ya ntuyiso eka mieleketo ya rhiphabiliki.

Hi boxile eka rhiphabiliki ra hina ra xidemokirasi, leswaku vanhu hinkwavo va ringana emahlweni ka nawu naswona va ni lunghelo ro sirheleriwa ni ku vuyeriwa ka nawu ku fana.

Namuntla Afrika-Dzonga i tiko laha mafambiselo ya nawu ya simekiwe ehenhla ka tikhoto leti tiyimeleke hitoxe ni vafambisi va nawu lava xiximaka Vumbiwa ntsena. Hi hanya eka tiko leri vanhu hinkwavo va nga ni timfanelo to kongoma tikhoto



ku enerisa timfanelo ta vona.

Hi hanya eka tiko leri vaatikito va nga koxaka xinawu misava leyi va rhurisiweke eka yona hi nkanu, laha munhu kumbe mindyang yi sirheleriwa eka ku rurisiwa hi nkanu emakaya ya vona swi nga fanelanga.

Hi hanya eka tiko leri vanhu hinkwavo va pfumeleriwa ku endla mfuwo ni mindhavuko ya vona va ntshuxekile. I tiko leri un'wana ni un'wana a nga ni mfanelo yo vilela a nga chavi hi ku seketela vaaki, tipolitiki ni swin'wana ni swin'wana kun'wana ni kun'wana.

Vumbiwa ra hina ra sweswi ri simekiwe ehenhla ka vutihlamuleri bya mfumo, laha vafambisi va nga ni vutihlamuleri eka vanhu naswona laha Palemente yi nga muyimeri wa vanhu.

I tiko laha nawu wu tirhaka ku ringana eka wihi ni wihi. Sweswi hi ni mfumo wa vanhu, lowu endleriweke manharhu ku nga si fika

ku koxa ka ntshuxeko hi mihangano ya ntshuxeko, hi kale hi wina ntshuxeko.

Ekucukumi tiweni ka Vumbiwa ra xihlawuhlawu etaleni ra matimu hi tinyikele eka Vumbiwa lerintshwa ni le ka nawu wa mahanyelo mantshwa.

Loko ndzi andlale mbulavulo eka Huvonkulu ya Vumbiwa 25 wa malembe lama nga hundza, ndzi boxile leswaku Vumbiwa ra hina ri fanele ku tlula leswi tsariveke; ri fanele ku va ntuyiso eka vutomi bya vanhu.

Loko hi nga endli tano, tsalwa leri ra nhluvuko ni ntshuxeko ri ta va ri nga pfuni nchumu kumbe ku vula nchumu.

I khale hi tekile xiboho xa leswaku hi lava ku va vanhu va njhani. Hi vanhu lava simekiweke eka vumunhu, ndzingano, ntshuxeko ni nkalaxihlawuhlawu.

Ku ringana kotara ya malembedzana hi tihile ku aka rixaka ro tani. Hi endlile ku humelela loku nga kanetekiki, kambe ha ha ri ni mitlhontlo leyotala naswona ka ha ri ni ntirho wo tala lowa ha faneleku endliwa.

Loko hi ri karhi hi tsundzuka ku simekiwa ka Vumbiwa ra hina ra xidemokirasi, a hi tsundzukeni xiboho lexi hi xitekeke ku tshova mafambiselo ya xihlawulambala, ku xanisiwa, ku tekeriwa swilo ni ku tshikeleriwa loku nga va kona ekusungulen.

A hi tlheleni hi tsundzuka leswaku swi le mavokweni ya hina ku endla leswaku xivono lexi nga eka Vumbiwa ra hina xa hetiseka.

Leswi hi nga swi kota ntse-na hi ku tiyisisa leswaku Maafrika-Dzonga hinkwavo va fikelela timfanelo ta Vumbiwa hi ku tshuxeka no hetiseka, leswaku hi va vanhu lava khomanekhe swa ntuyiso. 3

Milorho ya vaaki va le Tafelkop yi hetiseka

Ntlawa wa van'wamapurasi va Vantima eTafelkop eGrobblersdal, eLimpopo, i vatinyungubyisi va vun'winyi bya tihikitara ta 189 ta misava, leti va nga rima eka tona ku ringana malembe ya 25 lama hundzeke.

Van'wamapurasi va 30 va amukele mapapila ya vun'winyi bya misava yo huma eka Presidente Cyril Ramaphosa endzhaku ka loko Ndzwalo ya Mitirho ya Mfumo ni Switirhisiwa yi hundzisele misava hi swikongomelo swo yi ava hi vuntshwa.

Misava yi na nkoka wo tlula R25.5 wa mamiliyonni kambe yi nyiketiwile van'wamapurasi mahala.

"Hakunene leri i siku lerikulu eka vaaki va le Tafelkop, vanhu va le Limpopo, ni le ka Afrika-Dzonga hinkwaro."

"Namunthla hi le ku mbhoniyeleni ka ku hetiseka ka norho wa vaaki. Lexi i xivono lexo vaaki lava va nga heta 25 wa malembe va karhi va lwela leswaku xi hetiseka. Ku vule presidente eka nkhuvo wo nyika mapapila ya vun'winyi.

Van'wamapurasi a va ri karhi va humelela hi ku rima swihumelerisiwa swa vurimi swo hambanahambana eka misava ku sukela hi 1996.

Va tikondleterile eka malembe ya va 1990s leswaku va titsarisela tanihu varimi lavakulu ehansi ka nhlangano wa Tafelkop Farmers Association kutani va sungula ku vulavurisana na mfumo.

Hi 2000, khale ka Ndzwalo ya Tiko ya swa Vurimi yi endlile ntwanano wo lombisa ni nhlangano wa Tafelkop Farmers Association hi ku landza Phurogireme ya



■ Presidente Cyril Ramaphosa ni van'wamapurasi va le Tafelkop, eLimpopo, lava ha ku amukelaka mapapila ya vun'winyi bya misava leyi va yi rimaka.

Nhluvukiso wa swa Vurimi yo Avela Misava.

Hi 2009, khale ka Ndzwalo ya swa Vurimi ya Limpopo yi bumabumele leswaku Ndzwalo ya Mitirho ya Mfumo yi hundzisela misava eka varimi.

Vun'winyi byi tsarisiwile hi mavito ya van'wamapurasi ekusungeleni ka lembe leri. Sweswi misava yi tirhisiwa ku rima fole, khotoni ni matsavu.

Makumenharhumbirhi wa mindyangu yi tunderiwa hi misava naswona mgingiriko ya vurimi yi thole vatirhi va 128 va nkarhi hinkwavo ni vatirhi va 320 va tinguva.

Vululami eka vaaki

Presidente u boxile leswaku vaaki va tiyisele mitlhontlo malembe lama hundzeke kutani "mapapila ya vun'winyi ya tisa vululami eka vaaki lava a va tekeriwe misava".

"A hi rivalanga ku tekeriwa, ku yiveriwa misava ni ku rhurisiwa hi nkanu loku vanhu va muganga lowu ni yin'wana miganga laha tikweni va nga ku tiyisela."

A hi rivalanga ndzhaka yotika ya vurimi laha Limpopo, laha vatshami va le mapurasini a va tlimebeletiwa ku va vatirhi ni valuveri eka misava ya vakokwa wa vona,

naswona va nga pfumeleiriwi ku va vinyi va misava leswaku va kota ku tundela mindyangu ya vona ni ku va ni madyelo ya swifubo swa vona."

Uengetelehi ku vula leswaku varimi va Vantima a va nga khomowi kahle ni ku xanisiwa eka Transvaal N'walungu wa khale.

"Hi tsundzuka ni hindlela leyi mfumo wa xihlawuhlawu a wu seketela varimi va valungu hi switirhisiwa, nseketelo wa xithekiniki ni ku fikeleta vulombi bya swikweleti ku aka mabindzu ya vona, kambe varimitsongo va Vantima a va tikeriwa ku humelela."

Ku hluvukisa bindzura vurimi

Presidente u boxile leswaku ku hundziseriwa ka misava swi hloholotela ntshembo hikuva swi komba leswaku hi ku kuma nseketelo lowu faneleke ni nkateko, bindzura swa vurimi ri nga hlувukisiwa leswaku tiko ri vuyeriwa.

"Hi tlanelga ku humelela, hikuva siku na siku Phurogireme ya Mpfxeto wa Misava yi ya yi hatlisa."

"Ku fikela sweswi, mfumo se wu tlherisele ku tlula ntlanhu wa mamiliyonni wa

tihikitara ta misava, leswi ringanaka ni kwalomu ka 5 500 wa mapurasi, eka ku tlula 300 000 wa vadya-ndzhaka."

Ku fikela sweswi, mafambiselo yo tlherisela misava ya se ya vuyerise kwalomu ka mamiliyonni mambirhi ya vakoxi va misava leswi fikeleriseke eka ku hundzisela kwalomu ka 2.7 wa mamiliyonni wa tihikitara.

"Mpfxeto wa misava a hi xikongomelo xo lulamisa ntsena, vululami ni ntwanano wa vaaki. Swi nglala swi fanela ku hluvukisa ikhonomi. Vurimi ni ntikelwa byona swi fanele swi cinca tiikhonomi ta le matikoxikaya," ku vula Presidente Ramaphosa.

Mfumo wu kunguhata ku tumbuluxa nhlangano wo hluvukisa swa vurimi ku hatlisisa mpfxeto wa misava.

"Hi languta hilaha tipholisi ta nkarhi lowu nga hundza ti tirheke hakona. Hi ta tirhana ni ku pfuxeta loku ka misava hi xihatla."

Ku lulamisa swihoxo swa nkarhi lowu nga hundza

Presidente u boxile leswaku mfumo wu tirhana ni ku lulamisa hi matimba

swihoxo leswi humeleleke hi nkarhi wa malembe ya xihlawuhlawu ni hi ku sungula ka malembe ya xidemokirasi.

"Hi endla leswi ku xixima lava hanyekexikarhi ka hina, lava a va tshama kwala."

Mpfuxeto wa misava wu ni nkoka eka ku tlakusa nhlayiseko wa swakudya swa tiko, ku aka ikhonomi hi ku angarhela ni ku endla vumundzuku byo antswa eka Maafrika-Dzonga hinkwavo, ku engetela Presidente.

U komberile van'wamapurasi va le Tafelkop ku tirhisa misava hi vukheta ku vuyerisa vaaki.

"Eka mina, namunthla rivile siku ra nkoka ehofisini; ku raha misava ni ritshuri ni ku vona swihumelerisiwa swa n'wina."

"A ndzi ni ku kanakana hi vutiyimiseri ni matimba ya hinkwavo lava nga ni xiave, projeke leyi yi ta ya emahlweni yi kula," a vula tano.

Mutshamaxitulu wa Tafelkop Farmers Association Jerry Sefoloshe u khensile mfumo ku va wu endlile leswaku van'wamapurasi va vinyi va misava leyi va tirheke eka yona malembe ni malembe.❶